

**Pɔɔlu kadasi nnyɔ su bo i kerɛ
fa maari
TESALONIKAFOM
ni**

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme, ni ya Mibie Yesu Kristo dee minem n a.

² Ya Si Nyeme ni ya Mibie Yesu Kristo buka am, na bu ma am ahoreda.

Kabo Yesu bá di minem jɔre barasu ni

³ Ya ninbaam, wɔ yo daka ka ya da Nyeme asi, ambere ti, sanja kere. Atin wo nu ka ya yo sɔ, dama am yarada n buka su wɔ nahore su, na koro bo am koro am beɔgu n gusu subuka su sɔ sɔ.

⁴ Nyini dee ti, ya fa am fo sɔ sɔ, deke bo Kristo jamam wo kere. Ya fo fa kɔ kabo am ayo yarada na am la mindi fa kɔ wuwuruwa n kere bo minem sukere am, ni wahara n kere bo am wo i nu ni.

⁵ Nyini kere ka Nyeme di minem jɔre ni i nahore atin su a, na i se ka ambere ti ye ni ka am wura i femeya n nu a, wahara n bo am adi i n dee ti.

⁶ Nahore, Nyeme yo sa bo i kɔ atin su wɔ, i má minem bo bu sukere am wahara n gusu di wahara,

⁷ na i má ambere bo am sudi wahara n ni yere kere nya ya ɲu. Nyini sam kere bá yo sɔ sanja

bo ya Mibiε Yesu bá fite angoro ba ni i merékem, ni bu yiko bambaka ni,

⁸ ni sin, na i bá cin minem bo ba kete Nyεmε n sui, ni bo ba de má ya Mibiε Yesu labari kpa ni.

⁹ Nyεmε cín bu sui haari bu дума bá bo má, na bu ηú má Mibiε ni, ni i yiko bambaka ni.

¹⁰ Nyini cεen n bo i ba baari n ye i minem kεre wúra i kpiri a, na nyini minem kεre bo bu yo i yarada n má i jirima. Amβεre mmoo wo nyini minem n nu, dama am ayo labari n bo ya fa maari am n yarada.

¹¹ Nyini dεε ti, ye ya sere Nyεmε ma am sanja kεre n a. Ya sere i ka i ma am wo wo bo i ti ye ni ka i dεε minem bo wo fere bu n wo ni. Na ya kaaki sere i ka i fa i yiko n buka am, na am yo am kunnu koroowa, ni juma kεre bo i ti kpa kɔ wie.

¹² Nzen am nya yoori so, nyini má minem ma ya Mibiε Yesu дума n jirima a, am dεε ti, na i gusu má am nya jirima. Nyεmε ni ya Mibiε Yesu Kristo dεε ahɔroma n má i yo so a.

2

Sɔnɔtiε n jɔrε

¹ Tɔ, ya ninbaam, m sujɔɔ am dɔ fa kɔ ya Mibiε Yesu Kristo ba n su wo, ni kabo ya tɛn ya nɔɔ na ya ni yiri kó ye n wo. Ya sere am wo,

² ka, má am kaaki am sunsunni wara am birisi, dama nbem ηa Mibiε n adu mɔ aba asin n dεε ti. Haari nzen be ηa wo de nɔaniε Nyεmε Awiewie Casi n dɔ, wara nzen be jɔjɔori nyini jɔrε n so,

wara nzen be seeri ka yere akere i kadasi n nu ase so a, ma am de i.

³ Ma am ma be dadaka am fa ko deke be su fieo, dama nyini ceen ni ba ma, ma ka sangha n bo minem dangu ba kete ka bu su ma Nyeme ni, na sonotie n bo i bu ma ka pui wo bere n nya yi i nu fite fofoe nu, yiri n bo Nyeme fa i ji cema sin n nu ni.

⁴ I kete deke kere bo bu fere i ka Nyeme, ni deke kere bo adamande kutu su i, na i kere i nu ka i tara bere kere pepere. Haari na i ko wura tana Nyeme Sereebiri Awuru n nu, na i se ka yiri ti Nyeme a.

⁵ Am tenge ma su ka sangha bo m woori am do ni, m yo seeri am ahin jorem kere, nzen se?

⁶ Kisa, am si deke bo i kanda i na wo nya ba ma ni, ma ka sangha n aju bo i yi i nu fite fofoe nu.

⁷ Ama, sonotie n bo i bu ma ka pui wo bere ni, yiri suyo i asiri nu juma wo kisa, ma ka yiri n bo i kanda i ni, aba acin ayaki atin ni.

⁸ Do na sonotie n nya yi i nu fite fofoe nu, ama, sangha n bo ya Mibi Yesu ba ni, na i fita kun i, na i baawa n dee wein n gusu yo i ngbeen.

⁹ To, kabo sonotie ni ba ba n yaa. I ba ni Sitana dee yiko n na i ba yo alekutura sam beberebe fa dadaka minem ka nyini sam fite Nyeme do o,

¹⁰ na i ba bu kore ngbeenngbeen barasu barasu dadaka minem bo bu ngoo ka ngbeen ni. Bu ngoo ka ngbeen, dama ba koro ma ka bu su atin n bo i ti nahore n su na bu nya tiide.

¹¹ Nyini ti, na Nyeme ta bu nyi, adena bu yo deke kere bo i ti kore n yarada.

¹² Nyini minɛm sɔ, bo ba yo má nahɔrɛ n yarada ni, ama, na ba fa satieyo acici bu tii ni, Nyɛmɛ dí bu jɔrɛ na i cín bu sui.

Kabo Nyɛmɛ ayi am ka am nya tiide ni

¹³ Ya ninbaam, amɛrɛ bo Mibiɛ n koro am ni, wɔ yo daka ka ya da Nyɛmɛ asi amɛrɛ dɛɛ ti sanɔa kɛrɛ, dama fite bumboori n ye Nyɛmɛ yiiri am ka am nya tiide a. Deke bo i ma am nya tiide n la ka, Awiewiɛ Casi ni ma am yo Nyɛmɛ mine casim a, na am bita nahɔrɛ atin, na am yo yarada.

¹⁴ Labari kpa n bo ya kan kereeri am na am deeri n dɛɛ ti, ye Nyɛmɛ fereeri am ka am nya tiide a, na am nyá ya Mibiɛ Yesu Kristo dɛɛ jirima woowa n be.

¹⁵ Nyini ti, ya ninbaam, am bita nahɔrɛ atin n kenken, bo ya kaanri i na ya kɛrɛeri i maari am ni, má am kaaki am sin bo i.

¹⁶ Ya sere ya Mibiɛ Yesu Kristo ni i tii, ni ya Si Nyɛmɛ, yiri bo i koro ya, na i dɛɛ ahɔrɔma n nu, na wɔ ma ya ahoresi sanɔa kɛrɛ, ni tama kpiri ni,

¹⁷ ya sere bu ka bu ma am ahoresi buka su, na bu ma am fanɔa, na am yo sakpa, na am jɔjɔ jɔrɛ bo i kɔ atin su sanɔa kɛrɛ.

3

Am sere Nyɛmɛ ma ya

¹ Ya ninbaam, jɔrɛ bo wɔ ka n la ka, am sere Nyɛmɛ ma ya, na Mibiɛ n labari kpa n sandi bara ye ndende na bu de i ni jirima, kabo am deeri i ni.

² Am kaaki sere Nyeme, na i yí ya fite mine tiem saa nu, dama má sɔnɔ kere yo labari kpa n yarada a.

³ Ama, Mibie n la dabuɲu, yiri má am fanɲa, na i yó am kanda bo Sitana koro yo má am pui.

⁴ Ya Mibie n ama ya ahoresi ka am suyo deke n kere bo ya ma am nɔɔ ka am yo i ni, am kɔ su suyo i sanɲa kere.

⁵ Ya sere Mibie n ka i ma am si kabo Nyeme koro am barasu, ni kabo Kristo mindiiri barasu ni.

Wɔ yo daka ka sɔnɔ kere yo juma

⁶ Ya ninbaam, ya maari am nɔɔ ya Mibie Yesu Kristo deɛ duma n nu ka, má am fa am ɲu gɔ ya ninbaam bo bu koro má ka bu yo juma, na bu ti nviɛyafom n ɲu, ba kete ka bu su má nɔaniɛ n bo ya fa maari am n su lɛɛ.

⁷ Ambere ni am tii si tenle su ka, i ti ye ni ka am yo kabo ya yo ni. Am si ka sanɲa bo ya woori am do ni, ya yo ti má nviɛyafom.

⁸ Ya di má sɔnɔ be diire ɲgbɛɛn. Ama, ya yoori juma wɔ nahore su, wiesu ni kɔɲgue, adena má ya bo be kaari.

⁹ Ya yoori sɔ ni, i ti má ka ya la má atin bo ya se ka am buka ya a, ama, ya yoori sɔ, adena am ɲu i na am gusu sɔn ya su wɔ.

¹⁰ Sanɲa bo ya woori am do ni, ya maari am ahin nɔɔ ni, ka, sɔnɔ kere bo i kete ka i yo má juma, má am ma i na i di.

¹¹ Má pui ti ye ya se sɔ a, dama ya ti labari ka am nbem wo bere bo bu ti nviɛyafom wɔ, bu yo

má juma be, se bu nati ḡgbεεḡgbεεḡ wɔ, na bu sufa bu nɔɔ bɔ minem jɔre nu.

¹² Nyini ti, ye ya sutu bu fɔ ni anyumboro su ya Mibiε Yesu Kristo dεε duma n nu n a, ka, bu yo anie tara bu ḡu, na bu yo juma na bu koro bita bu ḡu.

¹³ Ama, ya ninbaam, ambere yiri, má am ma am ḡuniε yɔrɔki am ni sakpayo.

¹⁴ Sɔnɔ kere bo i keteeri nɔaniε n bo ya kere i ahin kadasi n nu afa ama am ni, am yi kɔresi na am si i mi. Má am dodo i mi, adena nyinse ti i.

¹⁵ Ama, má am fa i mi yo am kpɔfɔ, am tu i fɔ ka am niwa a.

Awieeri su dεε anse yoowa

¹⁶ Ya sere Mibiε n ni i tii, yiri bo i ma ahoreda ni, ka, i ma am ahoreda sanɔa kere fa kɔ deke kere nu, na i wo am kere dɔ.

¹⁷ Mini Pɔɔlu ni m tii sufa m saa sukere ahin kereεwa n bisa am dɔḡgu a. Kabo sanɔa kere na m kere lee.

¹⁸ Ya Mibiε Yesu Kristo buka am kere.

ΝΥΣΜΕ ΙΟΥΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

fe36d0e6-2a60-5e15-8d1c-8bf275389598